

萬 有 文 庫

第二集七百種

王 雲 五 主 編

植物名實圖考

附植物名實圖考長編

(六十)

吳 其 濬 著

商務印書館發行

植物名實圖考

附植物名實圖考長編

(六十)

吳其濬著

國立基本叢書

萬有文庫

第二集七百種

總編輯者

王雲五

商務印書館發行

植物名實圖考長編卷十七

固始吳其濬著

蒙自陸應穀校刊

果類

枳根

櫛若

菴摩勒

鉤栗

麴櫛

都角子

君遷子

韶子

林檎

楹棹

榛

赤爪實

即山查

橡栗

阿月渾

櫛

無漏子

即海桑

石都念子

軟棗

探子

文林郎

胡桃

菴羅果

乳柑子 附曉彥直稿錄

橙

荔枝

附蔡襄荔枝譜
曹蕃荔枝譜
鄧道協荔枝譜

宋王嘉荔枝譜
徐燭荔枝譜
吳藏盤記荔枝

枳根

陸璣詩疏南山有枸枸樹山木其狀如櫛一名枸

骨高大如白楊所在山中皆有理白可爲函板枝柯不

直子著枝端大如指長數寸噉之甘美如飴八九月熟

江南特美今官園種之謂之木蜜古語云枳根來巢言

其味甘故飛鳥慕而巢之本從南方來能令酒味薄若

以爲屋柱則一屋之酒皆薄廣要宋玉賦曰枳枸來巢

謂枸木多枝而曲所以來巢也本草枳根一名木蜜以

木爲屋屋中酒則味薄註云昔有南人修舍用此木悞

有一片落在酒甕中其酒化爲水味唐本註云其樹徑

尺木名白石葉如桑柘其子作房似珊瑚核在其端埤

雅云根木高大似白楊子依房生著枝端大如指長數

寸噉之甘味如飴今俗謂之枳椇古今注一名樹蜜一

名木錫實形卷曲核在實外一名白石白實木石木實

果類卷之十七 枳椇

爾雅翼古者人君燕食所加庶羞凡三十一物椇其一也又婦人之贊椇棗栗荆楚之俗亦鹽藏荷裹以爲冬儲今不以爲重賤者食之而已明堂位四代之俎商以椇蓋俎足橫木爲曲撓之形如枳椇之枝也今人謂之枘枸又謂之蜜曲錄荀子枸木必待醢括烝燂然後直廣志云葉似蒲柳子十一月熟樹乾者益美或云果名一名白石李通志枳椇蜀人謂之枸詩緝云疏引宋玉賦枳椇來巢以證毛說然風賦字作枘句李善註云橘踰淮爲枘句曲也句音溝非毛義也

唐本草枳椇味甘平無毒主頭風小腹拘急一名木密其木皮溫無毒主痔和五臟以木爲屋屋中酒則味薄此亦奇物注其樹徑尺木名白石葉如桑柘其子作房似珊瑚核在其端人皆食之

荆楚歲時記禮有椇羞廣雅枳椇實如珊瑚十一月採是白石木子山中多有之鹽藏荷裹冬儲備以辟蟲毒小雅南山有枸傳枸枳椇大全本草曰木蜜生南方枝

葉皆可噉亦可煎食如飴其子一名枳枸味如蜜以木作屋則屋中酒味薄朱子曰枳枸子建陽謂之背洪子俗謂之癩漢指頭吾鄉呼爲兼穹味甘而解酒毒人家左右前後有此木則醞酒不成曲禮婦人之摯椇棗脯修棗栗註枳椇也有實今邳郊之東食之疏卽今之白石李也形如珊瑚味甜美

古今注枳椇子一名樹蜜一名木錫實形拳曲核在實外味甜美如餲蜜一名白石一名木枳椇

齊民要術廣志曰枳椇葉似蒲柳子似珊瑚其味如蜜十月熟樹乾者美出南方邳郊枳椇大如指

本草綱目李時珍曰枳椇本草止言木能敗酒而丹溪朱氏治酒病往往用其實其功當亦同也按蘇東坡集云眉山揭穎臣病消渴日飲水數斗飯亦倍常小便頻數服消渴藥逾年疾日甚自度必死予令延蜀醫張肱診之笑曰君幾誤死乃取麝香當門子以酒濡濕作十許丸用棘枸子煎湯吞之遂愈問其故肱曰消渴消中

皆脾弱腎敗土不制水而成疾今穎臣脾脈極熱而腎氣不衰當由果實酒物過度積熱在脾所以食多而飲水水飲既多溺不得不多非消非渴也麝香能制酒果花木棘枸亦勝酒屋外有此木屋內釀酒多不佳故以此二物爲藥以去其酒果之毒也棘枸實如雞距故俗謂之雞距亦曰癩漢指頭食之如牛乳本草名枳椇小兒喜食之吁古人重格物若肱蓋得此理矣醫云乎哉說文解字注積椇逗二字各本無今補多小意而止也小意者意有未暢也謂有所妨礙含意未伸廣韻積椇皆訓曲枝果按積椇字或作枳椇或作枳枸或作枳句或作枝拘皆上字在十六部下字在四部皆詰詘不得伸之意明堂位俎殷以枳注枳之言枳椇也謂曲櫬之也莊子山木篇騰蛟得柘棘枳枸之間處勢不便未足以逞其能宋玉風賦枳句來巢空穴來風枳句空穴皆連綿字空穴卽孔穴枳句來巢陸璣詩疏作句曲來巢謂樹枝屈曲之處鳥用爲巢逸莊子作桐乳致巢乃譌

果類卷之十七 枳椇 赤爪實

字耳淮南書龍夭矯燕枝拘亦屈曲盤旋之意其入聲則爲逗曲積與枳枝逗榘與棋句枸拘曲皆疊韻也積椇與逗曲皆雙聲字也急就篇沽酒醱醱積極程王伯厚云稽極當作積椇蓋詘曲爲酒經程寓止酒之義又按釋地枳首蛇枳本或作積此則借積枳爲歧字亦同部假借也故郭釋以歧頭蛇从禾从支支者枝格之意只聲職雉切按古音在十六部亦音支一曰木也一說積是木名也椇積椇也上篆下釋積椇之義此祇云積椇也全書之例如此从禾从又句聲俱羽切古音在四部讀如苟亦如勾又者从丑省說从又之意丑紐也紐者不伸之意一曰木名

赤爪實

卽山查

唐本草赤爪木味苦寒無毒主水痢頭風

身癢生平陸所在有之實味酸冷無毒汁服主水痢沐頭及洗身上瘡痒一名羊棣一名鼠查注小樹高五六尺葉似香葉子似虎掌爪木如小林檜赤色出山南申安隨等州

果類卷之十七 赤爪實 櫟若

本草拾遺陶注於松條中鼠查一名羊棣卽赤爪也煮汁洗漆瘡効爾雅云櫟其實棣有棣彙自裹其子房生爲棣又赤爪木一名羊棣一名鼠查棣此乃名同耳棣似小查而赤人食之生高原

本草綱目赤爪棠棣山榧一物也古方罕用故唐本雖有赤爪後人不知卽此也自丹溪朱氏始著山榧之功而後遂爲要藥其類有二種皆生山中一種小者山人呼爲棠杔子茅榧猴榧可入藥用樹高數尺葉有五尖桎間有刺三月開五出小白花實有赤黃二色肥者如小林槁小者如指頭九月乃熟小兒採而賣之閩人取熟者去皮核搗和糖蜜作爲榧糕以充果物其核狀如牽牛子黑色甚堅一種大者山人呼爲羊杔子樹高丈餘花葉皆同但實稍大而色黃綠皮澀肉虛爲異爾初甚酸澀經霜乃可食功應相同而采藥者不收

櫟若 唐本草櫟若味甘苦平無毒主痔止血療血痢止渴取葉炙用之皮味苦水煎濃汁除蠱及瘡俗用甚效

圖經櫟若本經不載所出州土今處處山林多有之木高丈餘若卽葉也與櫟相類亦有斗但不中用耳不拘時採其皮葉并用葛洪洗諸敗爛瘡乳瘡並用此皮切三升水一斗煮五升春夏冷用秋冬溫用洗瘡洗畢乃傳諸膏謂之赤龍皮湯又治毒攻下部生瘡者櫟皮合樺煮粥如飴糖以導之千金方云療蠱毒以櫟木北陰白皮一大握長五寸以水三升煮取一升空腹分服卽吐蠱出也

爾雅櫟櫟心註櫟櫟別名疏樸櫟一名心某氏曰樸櫟櫟也有心能溼江河間以作柱是樸櫟爲木名也故郭云櫟櫟別名詩召南野有死麕云林有樸櫟此作櫟樸文雖別其實一也或者傳寫誤

唐會要貞觀十三年野蠶食櫟葉成繭大如素說文解字注櫟樸櫟小木也樸當作樸樸樸正俗字也各本無小字今依五音韻譜韻會集韻類篇補召南林有樸櫟毛曰樸櫟小木也釋木云櫟樸心櫟樸卽詩之

檨樹俗書立心多同小又艸書心似小毛傳說文當本作心木譌爲小木耳詩正義云某氏曰檨樹斛樹也有心能溼江河間以作柱孫炎曰檨樹一名心據此及許立文之次第知檨樹乃木名非凡小木之僞也斛俗作檨檨樹檨之類檨爾雅音義作檨廣韻曰松木名其心黃松卽爾雅心字从木軟聲桑屋切三部

橡栗

陸璣詩疏苞檨秦人謂柞爲檨河內人謂木蓼爲

檨椒櫟之屬也其子房生爲椹木蓼子亦房生廣要爾雅云檨其實椹郭云有椹彙自裏疏云檨似椹之木也椹盛實之房也孫炎曰檨實椹也璣疏云秦人謂柞爲檨故說者或曰柞檨或曰木蓼璣以爲此秦詩也宜從其方土之言柞檨是也鄭註亦謂之橡一名阜斗其實作椹似栗實而小爾雅翼管子五粟之土其柘其檨條直以長淮南時則訓十二月之木正月其木楊楊蒲柳也楊木春先二月其木杏有竅在中象陰布散在上三月其木李李亦有核李後杏熟故主三月四月其木桃

說與杏同桃後李熟故主四月五月其木榆六月其木梓說未聞七月其木棟棟實鳳凰所食今雒城旁有樹棟實秋熟八月其木柘未聞九月其木槐槐懷也可以懷來遠人十月其木檀檀陰木也十一月其木棗取其赤心也十二月其木檨檨可以爲車轂木不出火唯檨爲然亦應陰氣也莊子匠石見檨社樹其大蔽牛絮之百圍上林賦註應邵曰檨采木也顏師古以爲木蓼葉辛初生可食通志檨曰橡亦曰檨其實作椹曰阜斗曰橡斗然有二種南土多檨北土多檨爾雅釋木云檨其實椹詩秦風云山有苞檨竝此也其釋木云檨杼與唐風云集于苞檨竝是柞木而陸璣誤謂是此耳橡實之類極多大體皆桌屬也可食有似栗而圓者大小有四種周禮籩人所謂櫟實是也二三實作一椹正似桌而小者大小有三四種爾雅所謂栲栳是也註云子如細栗江東人亦呼爲栲栳今俗謂之爲茅桌猴桌柯桌皆其類也或曰檨之實似檨而小不可食

果類卷之十七 橡栗

又羽今柞櫟也徐州人謂櫟爲杼或謂之爲羽其子爲阜或言阜斗其殼爲汁可以染阜今京洛及河內多言杼斗或云橡斗謂櫟爲杼五方通語也廣要爾雅云羽杼郭註柞樹鄭註柞木今人以爲梳風土記云吳越之間名柞爲歷古今注云杼實曰橡東海及徐州謂之木蓮其葉始生食之味辛其椹子八月中成搏以爲燭明如胡麻燭研以爲羹肥如胡麻羹

又柞械三蒼說械卽柞也其材理全白無赤心者爲白椹直理易破可爲轆車軸一作轆車輻又可爲矛戟鍛一作矜爾雅云械白椹郭註小木叢生有刺實如耳璫紫赤可啖鄭註卽山柞也爾雅翼柞生南方葉細而密今人爲梳用之詩雅道柞爲尤多方周之興大妣夢商之庭產棘小子發取周庭之梓植之于闕間梓化爲松柏柞械覺驚以告文王文王曰勿言冬日之陽夏日之陰不召而物自來以爲宗周興王之兆故詩曰帝省其山柞械斯拔松柏斯兌帝作邦作對自太伯王季未必

不謂此也又述文王之事曰柞械拔矣山木多矣而獨言柞械蓋柞民之所燎且至于簪拔則其餘可知也齊民要術稱柞斫去尋生料理還復蓋良木之易成者然亦非人力料理有不可復此以見太王之勤也又言柞宜種子山阜之曲十年中椹二十年中屋樸柴在外然則爲利亦博矣通志柞木曰械曰羽杼爾雅云羽杼詩析其柞薪又曰柞械斯拔陸璣云三蒼云械卽柞也其葉繁茂其木堅韌有刺今人以爲梳亦可以爲車軸嚴粲云柞櫟也卽唐風鴝羽所謂羽也據陸氏釋柞械與唐風集于苞羽之羽秦風山有苞櫟之櫟一物也秦人謂柞爲櫟徐州人謂櫟爲羽不過方言或異耳嚴華谷亦云然但鄭漁仲謂羽杼爲柞謂櫟爲柞別是一種本草又以櫟櫟稍有差別朱子解柞云枝長葉盛叢生有刺却與櫟葉如栗葉者不同况柞十年中椹二十年中屋樸而朱子解械云小木叢生有刺何相去之遠耶可見械是小木所謂無赤心實如耳璫者是也柞羽櫟

是大木所謂栗屬樹大蔽牛者是也但鄭氏認楸是山
柘恐未必然

唐本草橡實味苦微溫無毒主下痢厚腸胃肥健人其
殼爲散及煮汁服亦主痢并堪染用一名杼斗檨檨皆
有斗以檨爲勝所在山谷中皆有

圖經橡實檨木子也本經不載所出州土云所在山谷
皆有今亦然木高二三丈三四月開黃花八九月結實
其實爲阜斗檨檨皆有斗而以檨爲勝不拘時採其皮
并實用

枕中記橡子非果非穀而最益人服食未能斷穀啖之
尤佳無氣而受氣無味而受味消食止痢令人強健不
飢

本草衍義橡實檨木子也葉如栗葉在處有但堅而不
堪充材亦木之性也山中以橡仁爲糗然澀腸木善爲
炭他木皆不及其殼堪染阜若曾經雨水者其色淡不
若不經雨水者檨亦有殼但小而不及檨木所實者

廣雅疏證橡柔也橡柔聲之轉也柔與杼同各本譌作
柔惟影宋本皇甫本不譌爾雅云檨杼鄭注云柞樹也
唐風鵲羽篇集于苞檨陸璣疏云今柞檨也徐州人謂
檨爲杼或謂之爲檨其子爲阜斗其殼爲汁可以染阜
今京洛及河內多言杼汁謂檨爲杼五方通語也杼一
作芋莊子齊物論狙公賦芋司馬彪注云芋橡子也橡
一作樣一作象說文云樣檨實也又云草斗檨實也一
曰象斗鄭注周官掌染草云藍蒨象斗之屬橡子可染
又可食大戴禮曾子制言篇云聚橡桌藜藿而食之呂
氏春秋特君篇冬日則食橡桌高誘注云橡阜斗也其
狀似桌案今江淮之間通言橡桌其實如小桌而微長
近蒂處有棣棠自襄爾雅所謂檨其實棣也田野人多
磨粉食之凶年可以救饑韓非子外儲說篇云秦大饑
應侯請曰五苑之草箸蔬菜橡果棣桌足以活民請發
之是也其材中車穀淮南時則訓十二月其樹檨高注
云檨可以爲車穀木不出火惟檨爲然亦應陰氣也杼

果類卷之十七 橡栗

之聲轉而爲采高誘注淮南本經訓云杼采實也史記李斯傳采橡不斷徐廣注云采一名櫟漢書司馬相如傳沙棠櫟櫟應劭注云櫟采木也

說文解字注櫟櫟木也秦風隰有苞櫟傳云櫟木也陸璣曰苞櫟秦人謂柞櫟爲櫟河內人謂木蓼爲櫟椒櫟之屬其子房生爲椹木蓼子亦房生故說者或曰柞櫟或曰木蓼璣以爲此秦詩也宜從其方土之言柞櫟是也按陸意謂秦詩當是柞櫟今觀許櫟椹二篆連屬正與陸所云木蓼子房生爲椹者合然則許意謂木蓼也艸部云草斗櫟實也一曰橡斗木部栩下云柔也其草亦曰櫟此則謂草斗爲櫟實正陸所謂秦人謂柞櫟爲櫟又云栩今柞櫟也草下櫟實字非木部之櫟許意櫟柔櫟草爲一物是名柞櫟亦名櫟而非柞也亦非子椹生之櫟也柞與槭爲類櫟似椒櫟鄭箋大雅云柞櫟也以柞與柞櫟合爲一耳從木樂聲郎擊切古音在二部椹櫟實此櫟實與草下櫟實各物草下當云草斗柞

櫟實損柞字耳釋木曰櫟其實椹陸璣云椒櫟之屬其子房生爲椹木蓼子亦房生然則許何爲以椹字專系諸木蓼也曰艸部以萊系諸菜櫟矣則以椹系諸櫟也萊與椹皆謂聚生成房椹斗不余也椹與萊古通用椒聊箋云一椹之實蕃衍滿升非其常也此假椹爲萊也今俗語謂繇多叢聚曰一椹椹子每椹數十百顆詩人言其盛則曰每椹將盈升不識正義何以不解也木蓼唐本草謂之木天蓼蘇頌云木高三丈三四月開花似柘花五月採子子作毬一曰鑿首幽風毛傳云鑿屬一錡木屬曰錡釋文曰錡韓詩云木屬錡韓詩云鑿屬也按許用韓詩說也鑿所以穿木也鑿首謂鑿柄鑿柄必以木爲之今木工尙然矣故字從木金部無錡許所據詩然也從木求聲巨鳩切三部

又栩柔也見唐風毛傳陸璣曰栩今柞櫟也徐州人謂櫟爲杼或謂之爲栩按毛傳說文皆栩柔櫟爲一本櫟下但云木也不云卽栩也然則陸璣專據徐州語言合

之耳從木羽聲況羽切五部其阜一曰樣按各宋本及集韻類篇皆同毛氏依小徐作其實阜非也艸部曰阜斗樣實也一曰樣斗許蓋謂棚爲柞樣與陸玕同柔棚也莊子狙公賦芋司馬云芋橡子也芋卽柔字橡卽樣字柔本樹名因用爲實名也從木予聲此與機杼字以下形上聲左形右聲分別讀若杼按玉篇時渚切廣韵神與切是也大徐直呂切則與機杼字同音五部樣棚實也樣橡正俗字爾雅舊注曰柔實爲橡子以橡殼爲柔斗者以剜剜似斗故也橡子儉歲可食以爲飯豐年牧猪臥之可以致肥也見齊民要術從木兼聲徐兩切十部按樣俗作橡今人用樣爲式樣字像之假借也唐人式樣字從手作樣

菴摩勒 唐本草菴摩勒味苦甘寒無毒主風虛熱氣一名餘甘生嶺南交廣愛等州注云樹葉細似合歡花黃子似李柰青黃色核圓作六七稜其中仁亦入藥用圖經菴摩勒餘甘子也生嶺南交廣愛等州今二廣諸

郡及西川蠻界山谷中皆有之木高一二丈枝條甚軟葉青細密朝開暮斂如夜合而葉微小春生冬凋三月有花著條而生如粟粒微黃隨即結實作莢每條三兩子至冬而熟如李子狀青白色連核作五六瓣乾卽并核皆裂其俗亦作果子噉之初覺味苦良久更甘故以名也

本草衍義菴摩勒餘甘子也解金石毒爲末作湯點服佛經中所謂菴摩勒果者是此蓋西印度亦有之益部方物略記樹大葉細似槐實若李而小咀之前澀後軟軟有味故號爲餘甘核有稜或六或七解硫黃毒卽本草所謂菴摩勒者贊曰黃葩翠葉圓實而澤咀久還甘或號菴勒

南方草木狀菴摩勒樹葉細似合昏花黃實似李青黃色核圓作六七稜食之先苦後甘術士以變白鬚髮有驗出九真

異物志曰餘甘大小如彈丸視之理如定陶瓜初入口

果類卷之十七

阿月渾

鈎栗

櫛

麩櫛

無漏子

苦澀咽之口中乃更甜美足味鹽蒸尤美可多食
臨海異物志餘甘子如梭形出晉安侯官界中餘甘櫛
櫛同一果耳

雲南記瀘水南岸有餘甘子樹子如彈丸許色微黃味
酸苦核有五棱其樹枝如柘枝葉如小夜合葉按雲南
呼有棱

者爲土櫛櫛無
棱者爲松櫛櫛

程史戎州有蔡次律者家於近郊山谷嘗過之延以飲
有小軒極華潔櫛外植餘甘子數株因乞名焉題之曰
味諫後王子予以櫛櫛遺山谷有詩曰方懷味諫軒中
果忽見金盤櫛櫛來想共餘甘有瓜葛苦中真味晚方
回時蓋徽祖始登極國論稍還是以有此句云

阿月渾

酉陽雜俎胡榛子阿月生西國番人言與胡榛

子同樹一年榛子二年阿月

本草拾遺阿月渾子味辛溫澀無毒主諸痢去冷氣令
人肥健生西國諸蕃云與胡榛子同樹一歲榛子二歲
渾子也

海藥本草無名木皮謹按徐表南州記云生廣南山谷
大溫無毒主陰腎痿弱囊下濕癢並宜煎取其汁小浴
極妙也其實號無名子波斯家呼爲阿月渾狀若榛子
味辛無毒主腰冷陰腎虛弱房中術使用者衆得木香
山茱萸良也

鈎栗

本草拾遺鈎栗味甘平主不飢厚腸胃令人肥健

子似栗而圓小生江南山谷樹大數圍冬月不凋一名
巢鈎子又有雀子小圓黑味甘久食不飢生嵩山

櫛

本草拾遺又有櫛子小如橡子味苦澀止洩痢破血

食之不飢令健行木皮葉煮取汁與產婦飲之止血樹

皮如栗冬月不凋生江南子能除惡血止渴也

麩櫛

麩櫛與苦櫛同葉長而狹實尖

無漏子

即海棗

南方草木狀海棗樹身無間枝直聳三四

十丈樹頂四面共生十餘枝葉如柁欄五年一實實甚
大如栝盤核兩頭不尖雙卷而圓其味極甘美安邑御
棗無以加也太康五年林邑獻百枚昔李少君謂漢武

帝曰臣嘗遊海上見安期生食巨棗大如瓜非誕說也
本草拾遺無漏子味甘溫無毒主溫中益氣除痰嗽補
虛損好顏色令人肥健生波斯國如棗一云波斯棗
海藥樹若栗木其實如橡子有三角消食止欬嗽虛羸
悅人久服無損也

南越筆記海棗俗名紫京堅重過鐵力木鐵力木不甚
宜水此則入水及風雨不朽以作屋嫌小皴裂故不貴
都角子 本草拾遺都角子味酸澀平無毒久食益氣止
洩生南方樹高丈餘子如卵徐表南方記云都角樹二
月花花連著實也

海藥謹按徐表南州記云生廣南山谷二月開花至夏
末結實如卵主益氣安神遺洩痔溫腸久服無所損也
齊民要術南方草木狀曰都桹樹野生二月開花仍連
著實八九月熟一如雞卵里民取食

本草綱目李時珍曰桹音角太平御覽作桹子音同上
蓋傳寫之訛也亦與楮構之構名同實異陳祈暢異物

贊云構子之樹枝葉四布名同種異實味甜酢果而無
核裏面如素析酒止醒更爲遺路

石都念子

本草拾遺石都念子味酸小溫無毒主痰
嗽噦氣生嶺南樹高丈餘葉如白楊花如蜀葵正赤子
如小棗蜜漬爲粉甘美益人隋朝植於西苑也

大業拾遺錄南海郡送都念子樹一百株敕付西苑十
六院內種此樹高一丈許葉如白楊枝柯長細花心金
色葉正赤似蜀葵而大其子小於柿子甘酸至美蜜漬
爲棕益佳

東坡雜記吾謫居南海以五月出陸至滕州自滕至僂
野花夾道如芍藥而小紅鮮可愛樸橄叢生土人云倒
拈子花也至僂則已結子爛紫可食殊甘美中有細核
嚼之瑟瑟有聲亦頗苦澀兒童食之使大便難野人夏
秋痢下食葉輒已海南無柿剝浸揉攪之以代柿油蓋
愈於柿也因名之曰海漆

檀萃滇海虞衡志都念子者倒捻子也樹高丈或二三

果 類 卷 之 十 七 君 遷 子 軟 棗

丈葉如白楊枝柯長細子如小棗柳似軟柿頭上有四葉如柿蒂捻其蒂而食謂倒捻子訛爲都念外紫內赤無核土人呼爲軟棗棄之不食省城果鋪收而以蜜漬之遂列宴盤是知美在所漬也

君遷子 本草拾遺君遷子味甘平無毒主止渴去煩熱令人潤澤生湖南樹高丈餘子中有汁如乳汁吳郡賦云平仲君遷

海藥本草謹按劉欣期交州記云其實中有乳汁甜美香好微寒無毒主消渴煩熱鎮心久服輕身亦得悅人顏色也

魏王花木志君遷樹細似甘蕉子如馬乳

書蕉文選吳都賦平仲君遷皆木名註缺按司馬溫公名苑云君遷子如馬嬭俗云牛嬭柿是也今之造扇用此柿油

軟棗 西京雜記上林苑有棗棗

廣雅疏證棗棗也各本棗譌作栲又脫也字玉篇云

棗棗棗也今據以訂正說文云棗棗也似柿漢書司馬相如傳云棗棗楊梅又云檀梨棗棗張氏注云棗棗棗也顏師古云今之棗棗也御覽引古今注云棗棗葉如柿實亦如柿而小味甘美又引廣志云棗棗味如柿晉陽棗肌細而厚以供御是也棗又作軟賀氏內則疏云軟棗棗也蘇頌本草圖經云小柿謂之軟棗俗呼牛奶柿一名棗棘士喪禮云決用正王棘若棗棘鄭注云王棘與棗棘善理堅韌者皆可以爲決世俗謂王棘託鼠釋文云託劉音託周官繕人注引士喪禮釋文云棗一音徒洛反然則託棗聲近託鼠或卽棗棘之別名耳

說文解字注棗棗棗也三字一句棗棗果名非今俗所食棗也南都賦曰棗棗若留張揖注子虛曰棗棗棗也李善引說文亦云棗棗似柿於此可以訂刪複字者之非矣似柿而小一曰棗各本無而小一曰棗五字今合齊民要術衆經音義廣韻子虛南都二賦李善注引訂

補按棣卽釋木之遵羊棣也郭云實小而圓紫黑色今俗呼之爲羊矢棣引孟子曾皙嗜羊棣何氏焯曰羊棣非棣也乃柿之小者初生色黃熟則黑似羊矢其樹再接卽成柿矣余客臨沂始觀之亦呼牛捻柿亦呼梗棣此尤可證以柿得棣名孟子正義不得其解玉裁謂凡物必得諸目驗而折衷古籍乃爲可信昔在西苑萬善殿庭中曾見其樹葉似柿而不似棣其實似柿而小如指頭內監告余用此樹接之便成柿古今注曰梗棣實似柿而小味亦甘美師古曰棣棣卽今之梗棣也梗與遵音相近梗卽遵字也一曰梗者一名梗也本作一曰李善改爲名曰以便於文也許無梗篆蓋俗字不列也內則芝栢賀氏云芝木槩栢軟棣釋文曰栢木又作槩槩者梗之誤賀氏作梗許不妨作槩也棣棣者柿屬故受之以柿篆又按衆經音義梗棣如寃切說文曰似柿而小或作濡非體也似元應所據本有梗篆其解當云棣棣也从木奠聲似柿而小乃棣篆下語也司馬氏

光曰君遷子卽今牛奶柿按吳郡劉注梧櫨子如瓠形玉篇云梧櫨子如雞子不當以羊棣當之從木粵聲以整切十一部梗而寃切

韶子

本草拾遺韶子味甘溫無毒主暴痢心腹冷生蠟南子如果皮肉核如荔枝廣志云韶葉似栗有刺斫皮內白脂如豬味甘酸亦云核如荔枝也

樑子

本草拾遺樑子味甘溫平無毒生食主水痢熟者和蜜食之去嘔子似梨生江南吳郡賦云樑榴禦霜是也

林檎

開寶本草林檎味酸甘溫無毒多食發熱澀氣令人好睡發冷痰生瘡癰百脈不行其樹似柰子亦圓如柰六月七月熟今在處有之

圖經林檎舊不著所出州土今在處有之或謂之來禽木似柰實比柰差圓六七月熟亦有甘酢二種甘者早熟而味肥美酢者差晚須爛熟乃堪噉病消渴者宜食之亦不可多反令人心中生冷痰今市間醫人亦乾之

果類卷之十七 林檎 文林郎 榲桲

人治傷寒藥謂之林檎散

齊民要術柰林檎不種但栽之而種之雖生而味不佳取栽如壓桑

法此果根不浮藏栽散又法栽如桃李法林檎樹以正

月二月中反斧斑駁椎之則饒子 作林檎妙法林檎赤熟

時擘破去子心蒂日曬令乾或磨或擣下細絹篩麤者更磨擣以細盡為限以方寸匕投於碗中即成美漿不

去蒂則大苦合子則不度夏留心則大酸若乾嗽者以林檎麩一升和米麴二升床正適調

本草綱目李時珍曰林檎即柰之小而圓者其味酢者

即楸子也其類有金林檎紅林檎水林檎蜜林檎黑林

檎皆以色味立名黑者色似紫柰有冬月再實者林檎

熟時晒乾研末點湯服甚美謂之林檎麴僧贊寧物類

相感志云林檎樹生毛蟲埋蠶蛾于下或以洗魚水澆

之即止皆物性之妙也

沿聞記唐永徽中魏郡臨黃王國村人王方言嘗於河

中灘上拾得一小樹栽埋之及長乃林檎也實大如小

黃瓠色白如玉間以珠點亦不多三數而已有如纈實

為奇果光明瑩目又非常美紀王慎為曹州刺史有得

之獻王王貢於高宗以為朱柰又名五色林檎或謂之

聯珠果種於苑中西域老僧見之云是奇果亦名林檎

上大重之賜王方言文林郎亦號此果為文林郎果俗

云頻婆果河東亦多林檎柰中亦不少河西諸郡亦有

林檎皆小於文林果

文林郎 本草拾遺文林郎味甘無毒主水痢去煩熱子

如李或如林檎生渤海間人食之云其樹從河中浮來

拾得人身是文林郎因此以為名也

海藥本草又南山亦出彼人呼榲桲是味酸香微溫無

毒主水瀉腸虛煩熱並宜生食散酒氣也

榲桲 開寶本草榲桲味酸甘微溫無毒主溫中下氣消

食除心間酸水去臭辟衣魚生北土似榧子而小

圖經榲桲舊不著所出州土今關陝有之沙苑出者更

佳其實大抵類榧但膚慢而多毛味尤甘治胸膈中積

食去醋水下氣止渴欲臥嗽一兩枚而寢生熟皆宜榧

子處處有之孟州特多亦主霍亂轉筋並煮汁飲之可